

Montpelhièr, lo 8 de febrìer de 2026

Objècte : per tocar l'ajuda del CREO

Car.a collèga,

Coma anonciat dins la letra d'acceptacion de vòstra demanda de subvencion, tornam cap a vosautres per plan precisar las condicions de pagament de la soma qu'es estada afectada a vòstre projècte. Coma o sabètz, los projèctes portats pels collègas servisson per noirir nòstre butletin annadièr dins sas doas versions – occitan pels collègas e francés per los elegits, l'administracion, los sindicats...). D'autra part, coma associacion, avèm besonh de pèças justificativas per tota despesa.

La soma afectada vos serà donc vojada per chèc o, de preferéncia, per virament **après recepcion dels documents següents** :

<p><b>De mandar a Benoit Bolano, responsable d'Ensenhad'òc</b> : <a href="mailto:creo.lengadoc@gmail.com">creo.lengadoc@gmail.com</a>  <b>(per prudéncia, metre la presidenta en còpia</b> : <a href="mailto:mjvb@orange.fr">mjvb@orange.fr</a>).</p> <ul style="list-style-type: none"> <li>- Un article en occitan en format modificable (dins un fichièr <b>en pèça junta</b> word, odt... <b>pas de PDF</b>), <b>entre 1000 e 3000 signes maximum</b></li> <li>- La version francesa de l'article dins un autre fichièr word, odt...</li> <li>- De fòtos <b>liuras de dreches</b> en <b>bona definicion</b> en format « imatge » (jpg, png...) amb legenda clara : nom del collèga, n° per un plaçament ulterior dins l'article... Mas las cal pas plaçar vos dins l'article, las cal mandar dins de fichièrs separats</li> <li>- Dins l'article, marcar la plaça de cada fòto, amb sa legenda : nom del fichièr de la fòto</li> <li>- La còpia dels eventuals articles de premsa</li> </ul>	<p><b>De mandar a Joseta Soliva, clavaira</b> : <a href="mailto:josetteso@numericable.fr">josetteso@numericable.fr</a></p> <ul style="list-style-type: none"> <li>- Las facturas acquitadas</li> <li>- Un RIB</li> </ul>
--	--

Comptam sus vos per obténer l'adesion de vòstre establiment e de vòstres collègas al CREO, s'es pas encara fach. Lo nombre d'aderents – individuals o establiments – es çò que fai nòstra fòrça e nòstra representativitat – e nos permet de demandar de subvencions... [butletin d'adesion CREO 2025-2026](https://www.helloasso.com/associations/creo-centre-regional-pour-l-enseignement-de-l-occitan/adhesions/adesion-al-creo-lengadoc-2025-2026) - Adhésión possible sur le site <https://www.helloasso.com/associations/creo-centre-regional-pour-l-enseignement-de-l-occitan/adhesions/adesion-al-creo-lengadoc-2025-2026>. Mercé tanben de citar lo CREO dins vòstra comunicacion amb la premsa.

Vos felicitam per vòstre investiment pedagogic que participa de la visibilitat de l'ensenhament e demoram a la vòstra disposicion per tot rensenhament suplementari.

Per lo burèu del CREO, Jaumelina Martin  
 responsabla del seguit "ajuda als projèctes pedagogics"